

Bosna i Hercegovina  
Federacija Bosne i Hercegovine  
Srednjobosanski Kanton/Kanton Središnja Bosna

KANTONALNI SUD U NOVOM TRAVNIKU

Broj: 06 0 K 009910 24 K

Novi Travnik: 16.12.2024. godine

## U IME FEDERACIJE BOSNE I HERCEGOVINE !

Kantonalni sud u Novom Travniku, u vijeću sastavljenom od sudaca Lazarela Porić kao predsjednica vijeća, Alma Islamović i Denis Trifković, kao članovi vijeća, uz učešće zapisničara Ivane Čorić-Žderić, u kaznenom predmetu protiv optuženog D. Ž. zbog kaznenog djela Teške tjelesne ozljede iz člana 172. stav 1., u vezi sa članom 31. Kaznenog zakona Federacije Bosne i Hercegovine, postupajući po izmijenjenoj optužnici Kantonalnog tužiteljstva Travnik, broj: T06 0 KT 0014766 14 od 10.12.2015. godine, nakon održanog glavnog pretresa u prisustvu optuženog D. Ž., branitelja optuženog Mesuda Duvnjak, advokata iz Bugojna i kantonalnog tužitelja Azera Ulemić, po obavljenom vijećanju i glasanju vijeće je donijelo a predsjednica vijeća javno objavila dana 16.12.2024. godine, u prisustvu optuženog D. Ž., a u odsustvu njegovog branitelja Mesuda Duvnjak, advokata iz Bugojna i kantonalnog tužitelja Azera Ulemić, slijedeću:

## PRESUDU

Optuženi:

D. Ž., zv. „S“, sin I. i majke S., djevojačko S., rođen ... godine u K., nastanjen u mjestu T. bb, općina B., Hrvat, državljanin BiH i RH, JMBG:..., završio SSS, pismen, po zanimanju ugostitelj, zaposlen u Njemačkoj, razveden, otac troje djece, vojsku služio, nije odlikovan, vodi se u VE, po izjavi lošeg imovnog stanja, do sada osuđivan

## KRIV JE

Što je:

Dana, 13.10.2014. godine u poslije podnevnim satima po prethodnom dogovoru i zajedno sa D. G. i B. K. nakon što su opazili oštećenog T. H. kojeg su vidjeli da se kreće od pošte prema zgradi u kojoj stanuje u neposrednoj blizini gradskog parka u Busovači prišli mu i bez ikakvog povoda osumnjičeni B. K. zadao mu udarac tupim predmetom po potiljačnom dijelu glave od kojeg udarca je pao na zemlju da bi ga nastavili snažno udarati nazuvenim stopalima u predjelu glave od kojih je udaraca izgubio svijest, sve u namjeri da ga teško tjelesno ozlijede kojom prilikom je oštećeni zadobio teške tjelesne ozljede u vidu razderno nagnječne rane desnog tjemenog predjela glave sa crtastim prijelomom desne slijepočne kosti i manjim nagnječenjima lijevog čeonog režnja i izlivom krvi u mekane moždane ovojnice

Čime je počinio kazneno djelo Teške tjelesne ozljede iz člana 172. stav 1., u vezi sa članom 31. Kaznenog zakona Federacije Bosne i Hercegovine,

pa ga sud na temelju istog zakonskog propisa, te uz primjenu člana 42., člana 43., člana 49. Kaznenog zakona Federacije Bosne i Hercegovine,

### OSUĐUJE

Na kaznu zatvora u trajanju od 9 (devet) mjeseci

Na temelju člana 57. stav 1. Kaznenog zakona Federacije Bosne i Hercegovine, optuženom se u izrečenu kaznu zatvora uračunava vrijeme provedeno u privremenom ekstradicionom pritvoru počev od 10.06.2020. godine do 19.07.2020. godine, u ekstradicionom pritvoru počev od 16.05.2024. godine do 17.07.2024. godine i u pritvoru počev od 17.07.2024. godine do 16.12.2024. godine.

Na temelju člana 202. st. 1. Zakona o kaznenom postupku Federacije Bosne i Hercegovine optuženi se obvezuje na naknadu troškova kaznenog postupka, pa se ovom odlukom obvezuje na naknadu troškova u iznosu od 489,20 KM dok će visina preostalih troškova biti naknadno utvrđena posebnim rješenjem predsjednika raspravnog vijeća, kao i na naknadu paušala ovom sudu u iznosu od 200,00 KM, sve u roku 15 dana, po pravomoćnosti Presude.

Temeljem članka 152. st. 1. Zakona o kaznenom postupku Federacije Bosne i Hercegovine Sud donosi

### RJEŠENJE

Prema optuženiku D. Ž., zvanu „S“ sin I., rođen .... godine u K., nastanjen u mjestu T. bb Općina B., JMB JMBG:..., sa ostalim podacima kao u spisu

### UKIDA SE PRITVOR

sa danom 16.12.2024. godine, te se optuženik D. Ž., po prijemu ovog rješenja od strane KPZ Busovača, ima odmah pustiti na slobodu.

Zapisničar  
Ivana Čorić-Žderić

Predsjednica vijeća  
Lazarela Porić